



KOMUNIKADO PA PRENSA

Fecha

14 di sèptèmber 2015

Accountmanager

Jhanirha Da Costa Gomez-Anita

Email

jhanirha.anita@gobiernu.cw

MINISTER CAMELIA-RÖMER TA INVITÁ: ANOCHI DI INTERKAMBIO PA BARIO DI BRIEVENGAT

Willemstad – Ministerio di Tráfiko, Transporte i Planifikashon Urbano (VVRP), riba iniciativa di Minister Suzy Camelia-Römer, ke a invitá habitantenan di Brievengat na un anochi di interkambio djarason awor 16 di sèptèmber di mitar di shete pa och'or na Sentro di Bario Brievengat. E anochi di informashon aki ta debí na sierto adaptashon den infrastruktura ku e ministerio ke hasi den kuadro di un maneho pa drecha e kalidat di bida den barionan.

Un di e puntonan di maneho di Minister Camelia-Römer ta pa inová bario, dor di bin ku iniciativanan nobo pa pueblo por tin mas kontakto ku otro. Tambe dor di pone servisionan públiko traha mas efisiente ku otro pa un mihó resultado i ku ménos molèster pa habitantenan. Den e aserkamentu aki, Minister Camelia-Römer ke inkluí tur persona i duna partisipashon.

Pa e motibu ei, tur habitante ta invitá pa ta presente na e anochi di interkambio aki. Lo tin presentashon di representantenan di Ministerio di VVRP, Organisashon di Bario di Brievengat, Servisio pa Planifikashon Urbano (ántes D.R.O.V.) i C- Post.

Nos ta warda tur habitante ku hopi ánimo pa yuda drecha ambiente den e bario.